

162526
=1



圖書室

盧德水先生

書林劉經邦刻行
張鴻儒

尊水園集畧

緣起

歲癸巳暮春晦日盧德水先生以疾卒梁木其壞
哲人早逝非吾黨之悲而天下所同悲也州大夫
孫海門屬余輯其詩文遺稿余泫然流涕曰先貞
髮未燥操拔篲以侍門庭久矣故先生手蹟縱橫
惟余所收為多是役也其何可辭計先生已刻詩
如尊水園宿草在輿草閒居漫興杜亭近草畫扇
齋詩始凡五種未刻詩如杜亭移草蕙庵掌記盧
詩凡二種已刻文如讀杜私言凡一種未刻文如



盧德水先生

書林劉經邦刻行
張鴻儒

尊水園集畧

緣起



歲癸巳暮春晦日盧德水先生以疾卒梁木其壞
哲人早逝非吾黨之悲而天下所同悲也州大夫
孫海門屬余輯其詩文遺稿余泫然流涕曰先貞
髮未燥操拔篲以侍門庭久矣故先生手蹟縱橫
惟余所收為多是役也其何可辭計先生已刻詩
如尊水園宿草在輿草閒居漫興杜亭近草畫扇
齋詩始凡五種未刻詩如杜亭移草蔥庵掌記盧
詩凡二種已刻文如讀杜私言凡一種未刻文如

真水園集 卷之九
視漕存稿南邨書鈔雜引南邨日錄凡三種其他零星單刻散見於別書者及豐碑短碣紙尾扇頭雖片言隻字可錄者罔或不錄至甲申以後先生老而爲客酬應諸作多委之余與幼仲仲啓先生間一命筆而已則不可不去取於其間也共得若干卷類聚群分合爲一部名尊水園集畧張冊重看必傳之業也憶先生曾自評其文曰予四十年學文止受用得一個快字余曰固也先生四十年學道亦止受用得一個真字先生笑而不荅蓋先

生之快如秋隼擘雲夏龍掣電又如光風霽月之下天水空明中攬柁懸帆一夕千里何樂如之乃先生之真則豈弟慈祥活潑坦蕩義理可爲豐年性情可當化雨與先生交郎不覺醅醪自醉至於立身大節明白周正儼然與日月爭光其偶而自放於酒則其作用之大晦迹於群倫也故曰必傳之業以人則必傳而况其文乎以文則必傳而况其人乎予筆格荒穢於先生人文之妙口欲言而未能不敢作序僭爲緣起如此謹請孫大夫序之

并請二仲序之癸巳中秋里社後學程先貞拜書



序

余生不逮早事先生憶束髮時學有韻之語及諸
古文辭間遺先生一言如獲拱壁洗手楷錄北面
頂禮願後生渺末無由自介於鉅公長者嗣後得
交程正夫先生正夫與先生最稱鍼芥因緣余得
發其蚓竅先生頷之輒然色喜謂孺子可教也俾
側社末聯韻分題先生則從而亭毒之鑪錘之丹
鉛既定斗酒相勞時復逢人說項輒口仲啟仲啟
云自甲申以來中更世變余不偶屢獻屢削抱石

而泣稀得望見顏色然余雖罕奉教於先生乎而先生則時時念趙生不置間出其猷酬衆心之作委之代大匠斲余逡巡受命藉手請益先生則又輒然色喜謂趙生即爲間不用不至遂成山徑之茅也益先生鼓舞後學一善必採多此類今先生往矣詩文若干卷正夫既取而博輯之精較之釐爲巨冊若網在綱條而不紊一開卷儼與同堂而晤抵掌而談美哉正夫可謂先生之真知己大功臣地上地下毫髮無遺恨者也余受而卒紫泮泮

洒洒覺有一種真氣沁入肺肝祇欽其寶難名其器行將與天下後世共賞焉至若先生十年讀書十年養氣又十年陳情將母又十年致身事君又十年而卧病謝客立身本末正夫以四字蔽之曰明白周正即先生之行樂具是矣余不賢者識其小聊摭其生平鼓舞後學一段虛懷雅抱即渺末如余亦不忍棄如此而已矣若曰登作者之堂智足知聖余則何敢余則何敢順治癸巳重九日同里受教後學趙其星頓首書



序

盧德水先生既沒程子正夫取其生平所為詩文
 彙成十二卷先梓四卷已行矣茲其次公仲繩兄
 復梓八卷屬余叅較余盥浴靜讀不覺掩卷太息
 喟然重有感也當先生舉孝廉時即與余先君子
 同社願以齒以德則師視先君子鍼芥既投詩酒
 追隨殆三十年如一日已而先生成進士為時名
 臣而先君子十上公車鬱鬱以青袍老先生深痛
 悼焉及余補博士弟子負學使者拔居第一先生

聞之喜作書誠勉謂士之所當為不止此孺子勿
以此自滿引而伸之為一鄉士為一國士為天下
士無所往而不第一斯不佞與今先君所跂足撫
手相望於地下地上者也余感極涕零書紳自勗
幸而博一第庶不負先生所期矣自筮仕未幾解
組家居時時得奉教於先生先生呼余為小友花
晨月夕樽酒論文相得甚歡亦猶夫疇昔先生與
先君子投契之雅也嗟乎先生往矣誦其詩讀其
書感念其為人余烏能嘿嘿已乎雖然先生深矣

余姑淺言之先生遠矣余姑近言之蓋先生之詩
實沉酣於老杜觀其大凡餘論深入少陵之堂奧
而與之寤寐依而水乳合者也乃其稱詩則與杜
微異非異也試取其詩而細究之清真古淡潔淨
精微蓋得杜之神髓而不必以其形探杜之精液
而不必以其粕也所謂深於杜而能以已意為杜
善於學杜者也其為文爽朗痛快如皓月澄潭使
人神傾意豁博極群書淹貫經史脩四時之氣而
著一家之言自成其為盧而非他家之能肖亦不

身沾沾求肖於他家者也至若先生之立身大節
明白周正正夫以四字蔽之已盡先生之生平矣
余又何多贅焉惟是交情篤厚古道真淳不忘先
君子舊好而折節余小子正當於古人中求之今
世安得有若人哉此余所以讀其遺編而不覺掩
卷太息喟然重有感也夫順治庚子夏月同里後
學李源頓首書



尊水園集畧總目

德州盧世灌德水著 受教程先貞正夫輯

陳鍾英幼仲

趙其星仲啓

卷之一

五言古詩

七言古詩

卷之二

五言律詩

卷之三

七言律詩

卷之四

五言排律

七言排律

五言絕句

七言絕句

卷之五

奏疏

卷之六

讀杜私言

卷之七

鈔書小序

卷之八

刻書序

卷之九

自序

贈言

記

卷之十

傳

祭文

行狀

卷之十一

墓誌銘

卷之十二

尺牘

尊水園集

陳鍾英幼仲

德州盧世澹德水著 受教程先貞正夫輯

趙其星仲啓

五言古詩

舟過園鎮恭謁大姊云

忻口以往云

行谷中

石嶺道中云

放言

白頭吟

讀金剛經

留別張子襄

答陸叔度

次韻

贈玉融山人無東周生吉符

至日自訟

云

云

顧生為我圖孤雲草堂

云

云

敬仲先生命史

云

云

送弟遊泰山

古辣庵

馬遠之託商孟和作秋林圖

云

云

送張山人還西溪

奉寄錢牧齋先生

上虞山先生

贈瞿蒙軒給諫

謝戈莊樂寄画用來韻

和應湘萼侍御

次韻

王紹雲先生五十初度

題五雲洞

伯宗南還

云

送文選朱聞玄予告

奉賀吳駿公祖母湯太君八十

讀王江寧題灞池五言絕句詩

云

次韻奉酬元肱

古詩

有序

快雪時晴清晨行野

次韻贈熊雪堂先生

快雪篇

喜幼仲定居賦詩

云

諸兄弟正欲携具

云

答徐元歎

次韻

奉贈百史先生

云

賦得人淡如菊

又一首

次海門使君韻咏秋海棠

七言古詩

寄趙玄成因憶座主 云云

光祿行

醉歌贈吳相如

趙雪江為德水作怪石 云云

為唐西亭題卷

月明水上聽鼓吹

次韻酬劉伯宗

送春詩和友人韻

目錄

尊水園集畧卷之一

五言古詩

舟過園鎮恭謁大姊姊丈謝振園先生留飲

回舟賦古風一章志佩也

進士今始成出身主上賜蒙恩給假歸行李亦光

賁維舟謁大姊齋心請謹議升堂肅拜槐影覆

庭翠姊謂弟頗腴舊病想全治更呼弟來前有語

汝當記年紀已不小舉動須慎茲此事亦平常勿

看太濃熾汝性近聰明所喜還肫摯作官與作人

第一莫使智余也。聆姊言不覺灑然異確論。潤金石敬當書紳誌。姊丈謝先生背益而面睟。長余廿餘年。顏色相差次。天下真長者交遊恐無二。高聲稱賢弟。鄉里推人瑞。聞爾為文章。紆峭欠純粹。然而一小技於道。非極至。獨愛爾居心空淨。不組織。但願持品格。不願炫門第。呼婢開大罇。我今與爾醉。逡巡余秉觴。小弟敢造次。竒賞及良箴。既感又抱媿。長者有意余。余恐蹈不類。曲几羅酒漿。兒童週遭至。揖罷即牽衣。執書競問字。諸甥皆可兒。他

時定偉器造物奉。長者既醉五福備。先生一軒渠爾言。亦有致酒中。余告別瀕行。屢把臂相送至河干。離懷淡鼓吹。更期出月來。酣眠共秋被。語澁忻口。以徃氣象大類塞垣。生來福瑣至此始。覺有歷落意。因而賦詩。地廓青天垂。群山忽歛跡。極目渺無隅。漠漠平如席。遙峰露微岑。參差類縫襞。枯桑何刀騷。棗柳少繩尺。長風吹不休。我行日將夕。驚沙縱復橫。野氣黃兼白。歸翼沒已完。惟見空煙積。蕭蕭單輿涼。心

神恍若關若寤若旁皇若已有所獲此日復何時
二月我生魄昏旦氣候殊勞歌荅于役脫衣古館
中夜靜燈花碧

行谷中

深谷迴無倪但聞水聲響山勢合成圍幾於壑所
往踽踽石子間嵐氣透蒼莽縮天入甕中空碧倒
孤朗清流幕古沙娟秀如美掌人鳥兩俱絕微覺
有盼蠻鴻濛或在茲悄焉一俯仰
石嶺道中雪霽看山時二月將半雪不甚堅

一照即融空潤鬱葱山致百出甚可玩

群嶺盡新妝淡冶宛欲笑輕藹逗其懷往來若微
調日靜煙逾滋黛光發幽照友聲鳥歡喜潭影上
遐嶠遊客惜峰巒頻頻觀其微

放言

天地太郭廓經籍傷粉藻涉世笑勞勞修身亦枯
槁古人吾不逢誰與玩芳草

白頭吟

行亦白頭吟住亦白頭吟坐亦白頭吟卧亦白頭

吟頭白已如此濁醪貴滿斟攬涕翻成笑俯仰當
登臨欲濟川無梁河水更滔滔卓犖卓氏女慷慨
道氣深宵懷儼皎月所願惟一心一心良可願誰
願如商參烏烏叩瓦缶優於鼓瑟琴再三搔蒜髮
拋却紫玉簪人生在行志低徊病暗侵途窮無日
暮一往且孤尋

讀金剛經

血性真男子雪山老古錘無量廣長舌大辯本深
悲金剛摧群魔透髓無纖疑摩尼照清水孟勞切

亂絲有為俱不是無住乃相宜猶記七年前讀此
苦迷離今番一再讀對鏡蒼鬚眉將無見地進意
者因緣為因思此經旨克協於先師無可無不可
孔子聖之時稽首須菩提妙義賴爾咨

留別張子襄

結交慎厥初君子貴可久僅持一寸心敢曰三不
朽吾敬張子襄似之惟其有執事凜微裏臨文出
大手詩法漢與魏結撰歸於厚冰雪淨肝腸氣象
孚盈缶繫余薄劣姿相當止以酒隆思麟鳳遊慙

愧牛馬走行矣戀音徽騶騶誰為偶相期學古人
銘箴覲戶牖

答陸叔度 次韻

相知不用早心深調自同陸子鍾昭質窈窕志玄
宮縱橫網前古亦既穴其中眉間挺精色堅貞有
家風容舍一高揖精誠忽交通正容以悟之令人
俗累空尋常談遇合至此乃遭逢丈夫重天骨事
事省厥躬曠懷亦鹵莽低回屬微衷寸心紆前路
期君共討窮遺我五字詩開筴流菁葱氣韻復沉

重迅光儼雄虹標然秋雪姿孤迥狎高鴻乃知至
性士决不悔雕蟲

贈王融山人無東周生吉符

大方原無隅英士耻依附麒麟遊帝郊鳴鳥駭鷄
鷺閩海蘊竒瀾粘天浩回互淑氣化為人其人林
古度精心伍冥寥學優問則裕移居卜建康讀書
桃葉渡數椽青錦滋三逕紅蘚護熟騷凌北郭剝
瓊物南庫時回長者車德隣欣類聚內交李與程
冷汰不煩煥李生霞表人深心寓毫素盧瞳映戟

髯江東推獨步程生雅自熹妮古饒逸趣小詩如
畢曜曲誤能周顧三三兩兩儔貧賤亦易足吾儕
第樂志何必理章句

至日自訟併以自遣因獻叔父華原先生

今日逢長至熹微肅初陽攝心苦無術閉關遵先
王劉伶獨善此何繇傳其方自恨寡道氣遂令神
志荒讀書喜涉獵飲酒恒太康行年幾半百使氣
而好剛每想鴻鵠舉飄然天際翔薄遊偶興盡歸
來脫冠裳深居謝親友作繭以自藏和光真不易

人頗驚余狂惟我賢叔父能矚余微腸相視而密
笑共是一空囊叔父已頭白余鬢亦滄浪二疏風
猶冽兩阮姓猶香身事何足問且盡手中觴

顧生為我圖孤雲草堂我乃請劉敬仲先生

題之詩以乞言

清溪深不測隱處惟孤雲時時一諷味窅然生空
岑息心謝時輩鸞鶴固其群余本中林士受性苦
斤斤孤單無族侶援雲以自欣晤言通骨臆花影
共苔紋因徵虎頭筆舒卷自氤氳更憶同心友家

在滄之濱敦詩述古昔與余實平分幸為題此軸
瀟洒張吾軍

敬仲先生命史為我畫孤雲草堂從燕山寄
來系以五言古詩披誦之餘不禁馳想次韻
倚和惟先生教焉

故人知我志遙寄一幅秋展圖神寂寂念子悵悠
悠詳觀圖後詩又自起林丘無素有時敝此意特
長留

送弟遊泰山

尋山亦多術樞機在幽討心趣苟冥通到處拾瑤
草每見拜岳人奔奔祇解禱贈汝以遊法第一從
容好

古辣庵

悚然發深省結庵曰古辣古辣粵西泉佳名婉古
鉢古鉢山名與古辣泉俱在橫州取以釀酒漿色鮮若鞞鞞暴日
不能侵冽氣煩襟豁譬如士君子朗秀而肅括安

得南州瓊澆吾北海渴移來榜小庵所指何太濶
又聞薑桂性到老益難奪天下有意人自然不藤

葛世情牽率處斬截儼刀割握機只在殺殺際見
生活嗟余和而流低回費擺撥顛毛已種種腸內
車輪斡邇來雖閉關仍為俗所聒其名若簡靜其
實乃轆轤因茲生悔心事當審本末四十九年非
恨不隨水潑時觀一辣字庶乎能解脫倣古佩帶
弦恭侯高人喝

馬遠之託商孟和作秋林圖從長水寄來孟
和系之以詩遠之和之余亦和之

疇昔弁遠之讀書共朝暮時時說商生十年思一
遇酒盃詩卷外別自有本務躡蹠到於今竟不知
其故忽來千里音精神透毫素把翫再沉吟悠然
傾宿慕林泉寫道機蒼寒有真趣挂我草堂中三
人同此晤

送張山人還西溪

平生愛友士相逢苦不早忽來千里客一見即傾
倒其人冰玉姿古月空山皓潔淨無纖塵大冲以
為寶清心領群妙空翠供淡掃詩畫字三絕筆新
墨氣老恭惟劉先生

大司空
簡翁

倫鑒烈火添密密為

喜水園集卷一
余言張君作人好相處耐盤桓各自開懷抱不見
令人思言別令人腦遠客有歸心東南雲日杲西
溪饒梅花香氣塞晴昊君有屋一區薄田數斛稻
共妻飽魚蔬看兒吃梨棗君言欲讀書閉戶恣幽
討我喜君此志終當不草草君又前致辭離合難
自保五載以為期仍走平原道我益感君情黯淡
心如擣行矣各努力修身在自攷

奉寄錢牧齋先生

當年業舉時喜公制舉義案上與袖中明誦而暗

記興來取下酒時時得大醉及至通籍後涉獵古
文字間獲公一篇捧之如輯瑞親手楷錄過密密
收篋笥此道頗難言小技實大事前後不相接賴
公幸未墜賤子亦孤硬不肯泛執贄惟遇公所作
遂爾傾心媚翹首望東南饑渴通夢寐每想公肝
腸漸及公眉鼻定是古人心應復天人質逢人必
細問答者多不備更端再三詢希微領其意人固
未易知知人亦不易吾師吾師乎何日笑相視虞
山一拳石儼與岱宗二破龍拂水間光怪多竒閱

我敬瞿純仁清剛刷油膩我敬王宇春沉寂饒禪
智我敬何允泓方雅復深邃又有陸生銑光明俊
偉器先輩顧朗仲文已詣境地馮陶吳湯許中可
置一位昔也今則亡堪下文章淚凡此數君子隱
約嗟淪躓左右公提携世始識項臂先達急窮交
古道今人棄惟公能續古惟公能錫類博大真人
稱贈公公不愧寬敦風鄙薄鴻濛換叔季即予一
荒儉公亦不避遺箋杜乃因盧用意何淵粹賤子
焉敢當沒世受其賜陳辭慚不文臨風再拜寄

上虞山先生

平生一寸心結託數番紙夢想凡幾年今日奉約
履構社聆微言徹骨透髓方知有身世方知有
經史曠觀古及今懷抱盡於此先生蓋代才淵淵
饒內美伊呂伯仲間名位偶然耳併不受人譽何
乃來人毀讒夫即高張馬能亂天紀風雨動魚龍
仁義動君子

贈瞿蒙軒給諫

同心劉敬仲說君嘗在口說君冰雪腸說君經濟

手君更含至性忠敬而孝友嫉惡苦太嚴若苗之
有秀挂冠神武門潛龍愛初九山中饒結構真氣
動林藪縱觀古人象煙雲劫奔走昏旦抱書讀文
章遵韓柳灌也山東人鄙僂似敦厚自揣無寸長
又愧溺於酒荷君具通識愛我忘其醜交臂即推
襟此境良非偶悵然思劉君近况可佳否達人貴
天機君子無所苟坡老有成言人生屈伸肘

謝戈莊樂寄画用來韻

平生山水懷夢想東林寺海虞戈莊樂匹紙發天

氣精誠忽交通脫然千里至知君盤礴時胷中無
一事

和應湘萼侍御次韻

灼灼桃李花雖美而不尊瞻彼松與栢鬱然有本
根結交得我友時時聞至言出處亦同科何必分
靜喧久別欣良覲一笑豁煩冤顏鬢各蹉跎懷抱
幸共存淨洗今人態默招古人魂清暉認山水氣
候驗旦昏肉緩驚隣雞德薄耻庭貊二語用湘萼全句恭
誦我友詩調高味彌敦何時斗酒會披襟復細論

王紹雲先生五十初度

人有大布衣天有真君子風雲冰玉心浩蕩無泥
滓偉哉王先生拔地踞天起讀書厭章句樂志薄
青紫軀幹及鬚眉一望消吝鄙坦懷撤棘藩周道
真如砥酒人俠客間遊戲而已矣行業固整淳始
終具條理生得好男兒人稱芥菴氏出手取科名
修能根內美居官與作人一一有原委我本魯狂
簡性頗好文史耦於虞山處邂逅詩一紙五言儼
長城千金直隻字云是芥菴作捧誦增敬喜攝衽

想伊人竊比車同軌我友陸叔度斯道之統紀遂
訂僑扎歡雪乳合空水時維九月中華筵開壽祉
先生肅巾裾吾儕既覲止通家子弟行踴躍佐修
澆采采黃金花清英勝端綺長言歌既醉述代奉
綦履百歲以為期稱觴從茲始

題五雲洞

山水有奇懷喜與高人遇平原將絲繡子期用金
鑄當其兩相得精神成一副太湖三萬頃靈灝所
盤聚帶湖多好山山間饒梅樹名草亦多族梅特

擅武庫方其發華時香氣亂雲霧醒者為之醉寐者為之寤倦者為之爽行者為之住爰有閒道人

顧師自號

閒道人 坦蕩豐暇豫早袖經綸手世界胞中度

率性逍遙遊于焉展逸步取酒酌梅花願為梅錫祚長揖謝近局密盼結良晤岩壑恣揀選高深見美富典衣買空山雲羅發韶護怪怪而奇奇朝朝而暮暮山靈虛左迎名士撰杖屨天半采青霞映懷明月路前後開五洞鴻濛奔回互一旦啟神界清光自吞吐石態裊如雲晴天霏微雨寵賜以嘉

名雪淡無絲素夫子固自道他詞安能措

伯宗南還與我友魯山共載詩以送之

文章集東南劉生發高唱天繪失丹青瓊粳點盞醑追配于先民紆餘復端亮當其妙會時百怪恣研剏神簡固自饒肅肅不流宕一朝來京國傾都欽詰匠共擬為老宿年事方及壯守身如冰雪當仁不敢讓一官肯輕就度外見局量束書飄然歸志意始恬暢茲行更得朋襟期相倚仗長途好細論紅塵開青嶂唱和詩定多興中與馬上風便即

寄余余將作式樣

送文選朱聞玄予告

東吳菰蘆中有人雅且潔文章抗典墳肝肺涵冰
鐵雖曹天官郎意殊不屑屑至性思將母山中足
怡悅脫屣謝塵樊濯纓笑執爨引義儼雲來當機
如電掣愧余薄劣姿荷君忘醜拙一語鍼芥投寸
心允屢折不敢謬相暱第覺難為別方當入夢寐
何暇騰口說太白有微言端若為君設獨立天地
間清風灑蘭雪

奉賀吳駿公祖母湯太君八十

婁水清且淑婺光映林藪發祥于文孫卓為人倫
首弱冠冠大科矢志在不朽忠義填骨髓聖賢相
師友循陔詠白華時時說大母大母湯太君今茲
袞開九歷歷想當年德輝環井臼作配竹臺公高
風追五柳委懷在丘壑客位但箕帚遂誕兩男子
明月寶珠剖代婦育嬰兒辛勤無與偶所以太史
公說母不離口山川出吉雲藹藹動戶牖敬取金
屑泉潔而歲諸肖先天天弗違洗腆致用酒

讀王江寧題灞池五言絕句詩陡然心動輒
用其全文稍為之牽綴而附益之成五言古
詩一章或曰古無此體要自我作古恐亦不
妨

何以銷古愁盈盈一尊酒何以結古歡奇書為密
友偶讀王昌齡灞池詩一首腰鑣欲何之東園刈
秋韭世事不復論悲歌和樵叟頓覺胸臆通又使
精神陡有唐三百年斯人開戶牖李白及岑參與
君俱不朽

次韻奉酬元肱

生來秉微尚磨滅餘章句翳然林壑身自願轉無
趣故人在天上勢隆心逾素推襟送抱間令我多
所遇割俸知我貧傷廉我又懼贈我五言詩諷誦
徹朝暮行徑久迷離因君復得路矢盟貞沒齒孜
孜曷能數

古詩

作詩一首似祭文又似輓歌凡十三韻內有
十七古字遂名曰古詩非敢如世所云漢魏

以來五言古詩也擬刻一石俟大歸之日用
以殉塋先茲板行傳示故人以為歡笑當下
一杯酒從今日日到劉伶墳上矣

甲申秋
日作

平生多古意古怨與古歡好古生信心懷古發長
歎但愧古遊俠不能事馬鞍力微敢續古徑寸寔
如丹望古思遙集足疲步驟難古雲亦已消古月
亦已殘古有陶家琴無絃最受彈遼東皂帽古蕭
蕭老幼安嗟余衰既甚古并不生瀾攢簇身後計
學古預製棺棺材乃榔料古朴而長寬一朝為古

人魂魄足盤桓從茲千萬古不受異患干

快雨時晴清晨行野

清暉能娛人康樂留斯語翰墨出煙雲山川諧律
呂天衣絕刀尺神匠妙機杼伊人千載外招呼為
伴侶心閒手敏時倡予一和汝更值新雨餘冷汰
媚初暑輕容來吳下精茗開顧渚俊味飫饒口庖
丁會烹煮爐竈共一肩果實附筐筥更有古書囊
筆札聊復貯命駕不刻期所之無定處徑造誰家
園并忘何人墅寂寂午風涼軒軒朝霞舉樹幄碧

成園花茵軟勝褚間就父老言條桑藝稷黍一二
林澤人定交于白杵因笑謝客癡耽豪逞鋒距何
不老山居江中玩孤嶼

次韻贈熊雪堂先生

微言絕千載黃帝所聽熒賴有洗心人良背密行
庭踞立九霄上五岳一毛輕平生閒家具墨莊與
書城翛然燕坐間風雨不能驚君子寶仁義精氣
託友聲一讀再三歎誰會作者情深醇想懷抱平
淡表聰明此身歸于潔自爾形神并齋戒焚名香

稽首熊先生

快雪篇

正苦三冬乾忽逢一夜雪雪聲雜踈密擁衾私自
悅清曉起披衣城頭試一閱煙樹如畫圖萬室儼
列筵下城步荒園檜栢綴素纈中林開微逕置爐
將炭熟童子前致辭此舉欠曲折何不遠廊行全
此一園潔余心是其言自笑太真拙魚蔬少少集
壺中酒已熟酒餉自程魯魯瞻味醇色正冽秉觴
謝滕六公最知時節當下即付與毫不廢唇舌一

舉三十觴耳根連臍徹放眼望高天昂藏誇老鐵
雪乳澆饒口吾才殊未竭既已中聖賢何必羨豪
傑不死且娛生山杯勝墓碣粗述一篇詩期與知
者說

喜幼仲定居賦詩相樂次陶靖節移居韻

決策旋舊居葺茲三畝宅相傳將百年非但朝與
夕委心安厥止誓不為形役圖籍盈數篋琴樽專
一席既留松菊在何必今非昔從此歌昇平相携
弗蕩析

日讀古人書日誦古人詩托足遵大路開懷適所
之我亦無所憶我亦無所思只有一尊酒酌謠歷
歲時喜君得安宅相携正及茲努力各痛飲從來
不敢欺

諸兄弟正欲携具而幼仲先折簡飲酒甚歡

再次陶韻

緬懷仁智居欣造高人宅散帙始茲辰明燈共今
夕優游作古歡脫灑謝塵役羨君清真士珍盤簇
綺席坐客半老蒼話言多徃昔酒罷新月上妙理

欲重折容平次發詩言多斷音韻
偶拈陶家韻主客更賦詩幼仲及正當其會心處
時復一中之尚欲留餘地退聽還三思文章乃靈
氣會合固有時去已久寥寥古人誰在茲吾斯未
能信當場敢自欺

答徐元歎次韻

吳會有畸人老大能修辭風氣所推轉賢者亦隨
時君惟司獨契遂與畦逕離曾聞詰匠語詩之義
為持公流遡其源由干達于支古歡無復響苦調

必涕洟振臂謝徒侶孤遊不復疑微衷託豪素天
壤亦吾私深則徹腦髓清可鑑鬚眉縱橫一萬里
比肩可是誰我實與爾好隔在天一涯三復寄來
詩慷慨有餘悲

奉贈百史先生次杜少陵贈
常左丞韻

世事如奔車餘此老病身平生同聲友溧陽太史
陳春試冠天下觀國作上賓提躬映冰玉秉心質
鬼神雖與今人居偏與古人親檀左為老友韓蘇
為近隣尤饒經世畧舟楫濟窮津標格實瀟灑氣

韻更深淳一朝逢世變蜚遯先隱淪乾坤忽底定
積陰見陽春隻身萬里歸雨雪雜風塵鞋穿衣袖
破中懷多苦辛天子賜顏色吾道歛然伸高天翔
瑞鳳大海躍神鱗佐銓無侍讀水月想清真聰明
時時固光彩日日新所喜結撰富何嫌家具貧惜
余左股廢欲走又復跋伏讀公著作無字不先秦
蕭蕭竹栢間冷汰溪澗濱一日三卷舒下拜稱主
臣道氣洽林藪白鷗正可馴

賦得人淡如菊

采采黃金花錫嘉名曰菊秋杪始發英芳越自為
族絕世而獨立幽人在澗谷草荒幾無逕寂歷三
間屋止餘酒一尊尚有画數幅澹然無所營門館
常蕭蕭晏坐經行外飽飯惟魚菽瀟洒送日月夢
不到征逐當其會心時閒取古書讀可觀又可感
有歌亦有哭寸心固不晦兩鬢業已禿以此絕世
緣忘情學草木養性賴茯苓順氣恃蘆菴清風脫
然至蕭蕭偕下竹小松四五株相次如伯叔於斯
對菊花精神更謾謾一切人間態過眼如轉轂濃

醜消除淨冲然抱茲獨在陸詠考繁碩人成寐宿
萬物盡芸芸于焉觀其復

又一首

伊人在東園此心如空水箕帚洒掃外宴坐觀無
始非喧亦非靜不怒亦不喜欲狀難強名如此而
已矣蕭蕭菊數枝氣味畧相似

次海門使君韻咏秋海棠

花有秋海棠不與諸花齒冲寂以自妍冷艷而閑
止最宜幽砌下移置空窓裏天下有心人都為情

生死其葉更獨絕離微難舉似惟我孫使君淵靜
察其理兩兩相証對秉心如空水相贈賦古詩微
義殊纍纍清雪洒松筠好風吹蘭芷如彼西方人
海印光發指特留黃菊華東籬相伴女

七言古詩

寄趙玄成因憶座主木菴先生併及鄭千里
趙君趙君南國美一廬大隱書廊裏賣藥逃名韓
伯休君平卜肆聊復爾蕭蕭肅肅不風塵隱囊藤
匣烏皮几面如椰子軀如株破帽披裘懶襪履胸

歲古帖一千部運腕成風進乎技明燈夜靜正揮
毫日午科頭尚未起間或窻吟絕妙辭居然流麗
又清綺蓬戶偏停長者車老眼久閱天下士偶然
廊間搜異書遇着山東盧德水齊僖落落恣無他
一片肝腸差可喜往來自朔意思投潑墨擊甌笑
相視有時醉汎秦淮杯有時飽翫鍾山紫衝泥送
我渡江還雪裏江船画得是別來一年幾兩年月
滿屋梁不能已詞客山人多煩潯惟君乾淨無渣
滓昨從候寫寄書來書中屢道候夫子夫子博大

古真人天淡海涵而山峙灌也白頭老門生博我
以文約以禮曩者拜送至蘆溝稽首誨言勒心耳
跂予遙望江東雲一个臣兮漢太史行看周召入
綸扉祇今后夔教胄齒門牆契濶動經秋鄙吝叢
生長荆杞因君益復重相思寄託寸心營片紙君
如訪友到長干幸一問訊鄭千里

光祿行

彤雲晝聚素靈哭苦雨腥風摧榮木夜郎鬼彈發
殺機九首雄虺起大陸古稱睢陽死罵賊氣壯河

山恒凜肅男兒事業在成仁捐軀又見徐光祿光
祿先生鐵作肝昆明洱水振長瀾彌天杯海誰能
識勞人州縣徒辛酸此身既已有民社嬰城冒石
敢辭難古刁幽磬纏悲響與潭空水照神寒先生
大節真不朽生得佳兒迴無偶筮仕彈冠粉署郎
高名嶽嶽摩星斗上書泣血叩楓宸天子為之咨
嗟久闔門殉義良獨稀純忠賴有綸音剖皇仁隻
字重南金不晦生前一寸心贈廕褒崇洵異數易
名節愍鐫球琳此舉維風補世教芳模反復令人

欽秋月晴雲塵土淨孤懸浩氣鬱森森

醉歌贈吳相如

乾坤何物叢天美惟有俊人扶其髓漢代相如遠
擅場吾世相如恰一睽相如濯魄在冰壺蕭條高
寄無泥滓間摹韓偓製香奩戲偕唐立修眉史彈
琴無待卓文君自有芙蓉映江水臨江起得鬱金
堂桃葉桃根夾岸芳磊隗澆酣白日寢交遊誰得
似君狂月落詩成江鬼哭招呼元氣兩茫茫有時
盤礴坐匡床小史洗硯焚都梁煙嵐草木俱帶香

好友董北苑本家吳仲圭一花一鳥皆奇絕卷舒
追賞足徬徨客到時時典驪驪太杯在手詩在囊
青溪宅子才一所幽窓綺閣妙暄涼興發臨池出
老手或曰相如亂二王我為君飲君為我歌夜厭
厭舞傴僂苛禮自少趣自多相逢未幾復分手奈
此紅霜楓葉何

趙雪江為德水作怪石供德水貧甚不能為
老雪買酒潤筆乃作歌以贈其行

衡門緊閉絕紛擾石丈相看眸子瞭禹貢以來即

怪之今夫五岳一拳小淋漓元化產輕綃貌得真
形殊了了試問當場貌者誰賴上雪翁身姓趙趙
雪腕中藏鬼神鬢煙漪水生筆杪仙人昔有黃初
平叱石成羊頗狡佻誰意雪翁更怪奇揮毫界出
石林曉不衫不履氣揚揚如笑如敎態廩廩異筍
滿園精色錯自我開荒無襲勦餉余一幅桂茅堂
洞巖回互棲雲鳥掉頭不住東南行更訪嵩高窮
象表三十六峰入奚囊石氣空青正縹緲

為唐西亭題卷

西亭逸士姑蘇客寥亮肝腸如月白骨董塲中老
作家悠悠忽忽長安陌每從賢聖問清渾平生密
友是壘罇對罇喜唱江南曲檀板金闈繞夢魂憐
余落第不得志百遍相過情獨摯河橋爛漫酒家
胡策蹇香山尋野醉紅漲桃花三月天因循潞水
買吳船客中相倚難相別細雨殘陽意悄然君次
平原當小住醉翁張仲與君素渠所寄園有古松
象麗鳥語提壺度痛飲披襟又幾回爾時想值牡
丹開青春作伴無初夏久客還鄉亦快哉瀕行君

特出斯紙我草數言只如此登臨聊以代勞歌布
襪青鞋真軟美

月明水上聽鼓吹

鼓吹固自來人思况復天低月照時夜寧水月兩
相得素磁芳茗正堪持脫然微風翺佯至波金瑣
碎影離離於時簫笛參差發前舡後舡遞代之倡
予和女似有情俯仰往來各能遲當其恬霽和且
平動容擊節心神怡忽爾幽鳴惝如訢令人欲愁
還欲悲洲渚候虫亦吐籟宮商迭迭宣其私物聲

真九園集卷一
卷一
犁然當人聲翕絕皎繹自得師始信古人腸原別
蛙當兩部真空竒聽來良久百端集茫茫不知身
是誰須臾月落鼓吹歇寥天寂寞星河移流波激
激客心洗環窓夜氣儼涼颼

次韻酬劉伯宗

眼中之人吾老矣青眼高歌望吾子少陵斯語哀
復哀白頭寂寂花溪裏文章上下五百年神氣縱
橫一萬里古人既去不可留賴有後賢次第起慨
自世趣逐榮華漫視竒文如故紙吾友貴池劉伯

宗平淡聰明含大美挫產營書塞座外平生興寄
蓋如此一種酸鹹與衆別不可情求有妙理當今
海內搜癡人大笑相看我與爾爾乃修辭贈我歌
徘徊明月出五指羨爾問學有本原治心治經兼
治史富貴功名君自有祝轅萬里從茲始

送春詩和友人韻

病客無春何必送偶聽鳴禽矜殘嘆日高一丈猶
作夢起視中庭日影移結襪扶杖到水湄一觴一
詠聊餞之還山何曾見一山大槩虛無縹緲間峨

眉太華意躋攀平生寄懷在雲鳥茅亭花影層層
繞不說大人亦不貌

尊水園集畧卷之二目錄

陳鍾英幼仲

德州盧世濬德水著 受教程先貞正夫輯

趙其星仲啓

五言律詩

謁孟廟

接得敬仲新詩云

云

癸亥歲余訪敬仲云

云

報恩寺雨中招友人小酌

月夜携客登雨花臺

同廖傳生病酒

飲李周生昆仲玉華堂

贈凌見龍

過上艾贈延紫筠

夕次井陘

宿趙州留行館月下獨酌

鳴謙驛薄暮小酌

云

胥鈔後竣祭告少陵

寄題劉敬仲先生古歡室

賦得獨坐悲雙鬢

新年試筆

雜詩

夜坐懷侯老師

偕程魯瞻尊水園看暮雪

贈舊叅軍程公車

涼風

劉同人于司直偕往杜亭

云

陳石泓先生經過安德云

久不得簡翁書甚念之

同社顧寄菴偕李彥威云

盧子年運而往矣云 二首

再次九青元韻云 二首

介清先生詩中疏鑿手也云

和李臨淮次韻

都兵垣姚先生云 二首

除夕得茗柯書云

快雪時晴清晨行野

嚮日讀杜詩云 十首

上已修禊正夫首唱云

夜坐看菊花影

雪航吳侍御見過荒園賦詩云 二首

雪航載歌余載和二首

海門携臣允山云

尊水園集卷之二

五言律詩

謁孟廟

孟里何年記英靈或在斯宮墻臨大道戶牖悶威
儀嶧黛纏楸杪龍精化栢枝低回留不去遠壁閑
題詩

接得敬仲新詩讀之賦五言四十字時雪後

漏下一鼓

快雪明燈夜觀君七字詩蒼森驚杜甫清潤醉王

維接武何容易論文幸在茲平生甘苦處不許外人知

癸亥歲余訪敬仲於滄上盤桓者累月一時曲梁諸友與敬仲厚善者咸以敬仲故暱就余及行之日復携榼送於東橋郭定之園中爾時送者為于達敬仲勉庸宗維澤延併定之而六又有畸人焉曰李愨蓋汙泥蓮花饒文心而負俠骨雪鬢黃冠避世無悶者也別來遂五易星霜諸君子或出或處或泣或歌

俯仰間而感慨係之彼畸人者竟作古人矣即余隨行二僕夫一去一死人生實難歲不我與可奈何

曲梁分手日送我郭家園紅葉飄長陌青衫上短

轅

余爾時正困公車去來特乘一巾輦

年來人易老事往夢留痕天

末涼風動高歌代晤言

報恩寺雨中招友人小酌

開尊無世務小坐亦能酣濁酒延清士空心領妙談涼煙沉磬響積雨發鐘嵐觴政通禪理因逢智

者參

月夜携客登雨花臺

古臺叢夕靄坐久月華滋
遠客宜求友清談或到
詩江帆淪極浦塔影泛空危
黃菊霜痕重憑高有所思

同廖傅生病酒

次韻

長干明月夜深酌為論文乳倒千鍾雪腴傾一甕
雲墳荒新主客賢聖舊知聞病酒何容易吾儉亦
學醺

飲李周生昆仲上華堂

過逢文酒會好月倍親人堂碧開群玉燭紅出串

珍時有清歌娛客時喧時寂寞或懶或精神歸路聽雞鳴

高煙樹杪屯

贈凌見龍

俠骨生來爽中年遂隱淪五遊窮禹跡一笑出風塵
驚枝無修道談諧却認真交知誰似爾落落不

煩人

過上艾贈延紫筠

延子西方美門多長者車能為從事酒好讀古人
書結社工揮麈開池學種魚齋頭留片餉蘭氣襲
衣裾

夕次井陘

城勢如箕舌臨流復倚岑煙繁生夕氣月皎動孤
吟古水甘淘淺春山抱犢深逢人談往事猶自說
淮陰

宿趙州留行館月下獨酌

寂寂留行館長松間古槐庭空惟鳥雀屋老遍莓

苔明月何年有清罇此夕開坐深林影亂疑道是
雲來

鳴謙驛薄暮小酌因簡點數日來鄙句偶然
賦此

客路春相伴青青日暮時一罇山驛酒數首在輿
詩好景誠難狀竒懷亦自私古人如可作陶謝是
吾師

胥鈔役竣祭告少陵

鈔杜為新本騰鐫苦未精十年曾有約三歲始能

成尚覺留遺憾還期畢此生焚香重下拜一片古今情

寄題敬仲先生古歡室

考室為遙集嘉名錫古歡竹君相晤對石犬共盤桓
俎豆鴻濛氣圖書嬉笑看羨君能自得卿貳亦閒官

賦得獨坐悲雙鬢

一榻淒然處蕭條兩鬢風對花彌覺老

時海棠未盛開

父已成翁

余年四十六

磨滅無餘想平生似夢中可憐

身世淺詩卷慰途窮

新年試筆

獻歲園居好閒中意覺真殘梅隨雪淨晴鴈觸雲
新閉戶還多事開函憶故人小窻燈火動亦自有餘春

雜詩

殺人參也魯君子表其微玩世何容易同群有是非
藤牽需乃賊刃決遯斯肥庭靜朋從絕悠然踵發機

夜坐懷侯老師

燈影沈沈照鬱陶，思不禁別離。
七載夢師第百年，心川上魚戩。
渺山中桂樹深，梁園春雪好。
遙憶短長吟。

偕程魯瞻尊水園看暮雪

小園聊騁望，雪影向人深。
冬關春能補

時已二月前此一冬

無雪朝飛夕不禁，同心來二仲。
高興對空林，燈酒分曹進。
何愁暝色侵。

贈舊參軍程公車

兩鬢吳霜滿，空餘一寸心。
貧來猶好客，老去獨工吟。
有策憑誰畫，無絃到處琴。
罷官成昨夢，樽酒試徐斟。

涼風

涼風西北起，吹老一天秋。
八戶聲聲凜，出門色色幽。
鴈行時載道，雲影暫依樓。
仍舊垂楊樹，蕭條是處愁。

劉同人于司直偕過杜亭，即用杜亭韻賦詩。
相貺余技窮不能再，和乃顛倒原韻縮七為

五聊發一笑云爾

好客雙雙至披襟訪杜亭携來燕楚氣

司直燕人
同人楚人

足見公宗青乍見占符采深談識典刑從來親道
侶寐冥寸心惺

陳石泓先生經過安德招晤舟中贈詩留別

次韻奉送

相思兀幾春今始識仁人談笑靡非道文章固有
神河干陪杖屨清水正漣淪高揖開船別襟期改
樣新

久不得簡翁書甚念之

飽飯無餘想中懷只鮮歡故人安穩未遠道尺書
難何日重携手明燈語夜闌小齋饒卷軸拂拭待
君看

同社顧寄菴偕李彥威瞿古遺及其猶子聖
宗訪我園居談飲竟日於是與寄菴別十年
矣舊好新知晤言一室時方快雪晴色如油
既結清娛遂成麗句次寄菴韻

十載重逢日開懷話風心文章閑性命山水喻高

深小醉陶家酒閑彈昭氏琴非君能領畧何處覓
清音

兩兩三三友襟同肩亦差雅人偏耐俗高士又能
詩荒徑緣誰掃清樽為爾遲真成良宴會記取雪
晴時

盧子年運而往矣既免喪補官禮郎同門友
宋九青先生飲我酒而贈之以詩三復來賦
欲罷不能依韻奉酬愧非匹敵

強起陪簪笏斯身毀悴餘一杯收涕酒數卷散懷

書年老才情減官閑意味踈來詩關痛痒前輩果
誰如

同門同調友相會在茲時久別渾如夢論文更不
疑眷言惟續古努力共修辭若問窮通理樵歌牧
唱知

再次九青元韻以志傾倒併寫懷抱

歎服君詩好風流曠代餘兩篇千種韻一字五車
書大旨歸於厚微言妙在踈相求惟宋玉姑舍馬
相如

五十郎濟好逍遙此一時中懷誠自喻天命復奚
疑有友開文苑欣聞絕妙辭倡酬無限意疑報古
人知

介清先生詩中疏鑿手也招予晤語慨想黃
虞託寄五絃憑凌三百蓋穆然有拜颺賡歌
之思為詩成示予予為之咨嗟而歎竒絕謹
依元韻謬附微吟

詩道卿雲爛有人緩步尋明良聲即政比興古猶
今折柬辭凡近含毫見靜深冷冷如振玉句裏奏

虞琴

和李臨淮次韻

客至開懷抱聲同影亦雙徵文書倒篋索醉酒盈
缸衰鬢何辭醜空心不待降聽歌還發興高咏答
新腔

都兵垣姚先生言事去國王介老緣風人之
旨以作歌世濯謬辱同薰倚歌而和

漢道方全盛遑遑策治安忠信明主易敷奏小臣
難薄謫知恩重孤踪入夢寒遙思官定後書籍畫

情看
兵計關青瑣臣心未敢安一封期得當百折豈辭
難天遠浮雲暮風斜雨雪寒驅車從此去有鏡莫
頻看

除夕得茗柯書併詩次韻奉答 有序

余與茗柯一別五年今冬茗柯膺大理新命
北上道經女德訪余隱居數盃而別分手春
暮殊不能為情會茗柯書至一通彼我之懷
後贈以詩深朏蕭簡陳白沙有言自然成五

字非謝亦非陶若端為茗柯設焚香莊誦欲
罷不能依韻和之以當良覲計得書之日視
向日作別時近三月矣

朋好如君少相尋善氣迎乍逢憐久別淺酌話深
情歲去天將暮書來月再盈更拈詩句諷百感自
中生

快雪時晴清晨行野

宿靄朝方歛浮空一片青林光能悅鳥草色欲迷
蜓次第尋幽圃夤緣到遠坳自然成野趣薄醉間

初醒

讀杜微吟

嚮日讀杜詩有大凡有餘論總名曰私言言不足公之于人也頃重閱杜集畧一拈掇得五言律十首即取材于本集而無煩旁借然特竹頭木屑耳至杜之真消息大關紐一字不敢涉入較之大凡餘論蓋微乎微矣因思祠杜十有五載每歲時奠享必虔必潔今年元日遂缺一奠茲寒食將近身備清淨僕夫

之列洗手齋心薦此一杯空水神其鑒諸

何氏山林好重遊興未闌平明尋杜濟乘雨過蘇端崔李無新態阮朱作古歡慙勤憐魏八兒女媚盤餐

勝絕東樓會清宵晏在莊茶瓜齊已屋圖畫贊公房司馬携錢取倉曹饋醬嘗古溝名丈八妓舫納浮涼

布襪青鞋淨恣遊遠近村讀書花嶼麗燒藥竹齋温杜曲神恒往仇池意每存但能成小築隨處武

陵源

纔得東柯谷西枝又有村醉眸收錦里老脚放夔
門所至營茅宇臨行贈果園江天雲霧裏寂寞少
微尊

立秋題句美解組亦由人稟性耽成癖原情懶是
真天邊身既老峽裏物仍新工部虛銜耳拾遺本
舊臣

把臂逢高李酒酣登吹臺岱宗青未了函谷紫還
來雲木朝光集金銀夜氣開後園山脚近屢上亦

悠哉

結束遊山寺聞鐘發省深慈恩高塔唱歷下古亭
吟萬丈潭澄目千秋雪洗心躄躄無限事一一寄
登臨

薛華長句好孟子善論文樗散度三絕蕭疎顧八
分大娘渾脫舞稚子怪穿裙斫地王郎俊惱人郝
使君

追酬常侍作憐友望南雲鄭重張顛字推崇庾信
文情親哀司業年老惜將軍最是難堪處行經大

尉墳

文章驚海內萬卷破來新即事非今古高歌有鬼神李蘇師友密陶謝弟兄親乃祖無遺恨慈孫是替人

上已修禊正夫首唱仲啓和之余亦和之

芳辰聯好友緩步當輕車酒盞隨心飲詩篇得意

書人方彭澤少

正夫年四十一即杜冠

景類永和餘多謝三閭

氏呻吟賦卜居

夜坐看菊花影

古壁生虛白離離菊有神黃華迷故徑玄照出分身掩映偏饒致寂寥更逼真夜深群動寂爾我默相親

雪航吳侍御見過荒園賦詩相贈因次韻奉

答

新詩含古意格韻自然高綠雪飛瓊嶂紅霞照翠濤誰能雄繡斧而肯暱蓬蒿個儻仍高妙元龍不敢豪

稱量天下士屈指首推君莫憶三江水

雪航詩云愛說滄州

事有興四岳雲空心籠世務老手濟人群數日追
隨盡離襟黯欲分

雪航載歌余載和

雍容傾滿坐懷坦道彌高授簡流文露拂箋汎墨

濤多年開設枳此日逕披蒿

余時常掩關今始灑掃

愛爾行

厨雅

雪航携具過余真淨簡美絕去鮠釘

清談正自豪

寸心千古處自揣不如君家世推吳質聲名邁陸
雲青鸞元出類赤兔自超群世味淄澠雜明明待
若分

海門携臣允山漁過新構茅齋款七夕余設

空酒一杯從容坐飲油如也已海門山漁俱

賦長句甚麗而穩余歎賞不足詩以見情

使君能領客二妙喜相陪小築三時就高軒七夕
來清談兼雅譎偶坐遂深杯即席成妍唱欣瞻絕
世才

五

五方圖考卷二
五方圖考卷二
五方圖考卷二

五方圖考卷二

五方圖考卷二

五方圖考卷二



